

## **Plan mjera i procedura Covid-19 za odigravanje utakmica Kantona Sarajevo bez prisustva publike – takmičarska sezona 2020/21**

U skladu sa trenutnim preporukama kriznog štaba za organizaciju nogometne utakmice potrebno je ispunjavati određene uslove, pravila i standarde. Klubovi su dužni maksimalno se prilagoditi i angažovati na ispunjenju obaveza za organizaciju domaćih prvenstvenih ili kup utakmica, a koje su nastale kao posljedica pandemije COVID-19, a sve u cilju sprečavanja širenja zaraze.

Klubovi učesnici prvenstvenih utakmica Kantona Sarajevo u takmičarskoj sezoni 2020/21, potrebno je da obezbijede sljedeće:

- Teren za odigravanje utakmice (travnjak pripremljen i označen za nesmetano odigravanje utakmice, čiste i funkcionalne svlačionice za dvije ekipe i službena lica, sa posebnom pažnjom na provođenje svih epidemioloških mjera u cilju zaštite od koronavirusa;
- Izvršiti najavu utakmice prema satnici utakmice kod nadležne Policijske uprave i osigurati prisustvo policije na utakmici;
- Osigurati bezbjedno mjesto i sigurnost autobusa tima i vozila službenih osoba;
- Funkcionalnu prostoriju za delegate utakmice za potrebe organizacijskog sastanka sa ispravnim računarom i printerom, te ispravnom internet konekcijom;
- Zastave NS/FS BiH i Državnu zastavu BiH;
- Redarsku službu;
- Zamjensko sanitetsko vozilo i obavezno prisustvo fizioterapeuta;
- Tri lopte za igru;
- Najmanje dva nosača nosila prikladnog uzrasta za utakmicu;
- **Utakmica se igra bez prisustva gledalaca, osim stručnih štabova ekipa i službenih lica (sudije, delegati, medicinski službenici i ostali predstavnici). Reduciranje potrebnog osoblja na minimum.**
- Gostujući klub ima obavezu da najkasnije 4 sata prije početka utakmice dostavi klubu domaćinu kompletan spisak igrača i svih ostalih osoba, sa potpisanim izjavama (obrazac u prilogu).

**U smislu poštivanja higijensko-epidemioloških mjera klubovi su obavezni poštovati sljedeće:**

- Svi učesnici na utakmicama seniora obavezni su potpisati deklaraciju o odgovornosti, koja je uslov za nastup / učešće na utakmici i / ili treningu (obrazac deklaracije je dodatak ovom dokumentu);
- Osigurati medicinsku opremu u svrhu zaštite od koronavirusa (sanitarne rukavice, zaštitne maske, bezkontaktne toplomjere i sl.), te mjeriti temperaturu pri ulasku na stadion;
- Na predviđenim mjestima postaviti dezinfekciona sredstva za ruke;
- Sve osobe koje ne učestvuju u igri na terenu obavezne su nositi sanitarne rukavice i zaštitne maske te poštovati **minimalan razmak od 2 metara** između osoba. Klub domaćin ili Sportski centar gdje se održavaju fudbalska takmičenja, obavezan je obezbijediti i dodatna sjedala izvan klupe za rezervne igrače ako je to potrebno;

- Prekriti usta i nos prilikom kašljanja ili kihanja papirnom maramicom za jednokratnu upotrebu. Adekvatno odbaciti upotrijebljenu maramicu odmah;
- Povećane mjere lične higijene (redovno pranje i dezinfekcija ruku, korištenje maski gdje god je moguće);
- Za vidno zaprljane ruke higijenu ruku provoditi sapunom i vodom;
- Svaki pojedinac treba imati sopstvenu opremu;
- Povećan nivo čišćenja i dezinfekcije svih prostorija na stadionu, materijala i opreme;
- Održavanje socijalne distance (nema rukovanja, grljenja, ili bilo kojeg drugog kontakta), izvršiti higijenu ruku nakon bilo koje vrste kontakta s drugim osobama;
- Reduciranje potrebnog osoblja na minimum;
- Sveobuhvatne mjere za što je moguće veće fizičko razdvajanje prisutnih osoba;
- Pridržavanje svih sigurnosnih i preventivnih mjera (npr. držanje socijalne distance, gdje je to moguće);
- Ukoliko se pojave simptomi, nositi medicinsku masku i obavijestiti predstavnika Kluba i predstavnike nadležnog Kantonalnog zavoda za zdravstvo ili adekvatnu zdravstvenu ustanovu radi daljeg postupanja; Ne ići na javna mjesta, ne koristiti javni prijevoz i taksi;
- Temeljito očistiti i dezinfikovati prostor stadiona gdje se zaraženi kretao;
- Klub domaćin / organizator utakmica odgovoran je za kontrolu ulaska na teren, a delegat FS KS ili druga ovlaštena osoba FS KS nadzire sprovođenje ovih mjera.

### **Izlazak na teren je, kako i uobičajeno iz tunela, a prema sljedećoj proceduri:**

- Na teren prvo izlaze sudije/sutkinje i idu prema središnjoj liniji;
- Delegat vrši kontrolu opreme i identifikaciju igrača domaće ekipe u tunelu, provjerava da li je ispunjena deklaracija o odgovornosti, a nakon toga domaći igrači izlaze na teren i postrojavaju se na središnjoj liniji;
- Ekipe se okreću na središnjoj liniji terena prema glavnoj tribini. Nije dozvoljeno rukovanje;
- Organizator će osigurati 2 sakupljača lopti, koji također sve vrijeme moraju poštovati higijenske propise.

**Napomena.** Svi igrači obavezni su imati validan lječarski pregled. Shodno Propozicijama takmičenja lječarski pregledi za igrače starije od 17 godina važi šest mjeseci, a za igrače mlađe od 17 godina važi četiri mjeseca.

### **Privremeni prekid takmičenja i odgađanje utakmica**

- Svi klubovi moraju imati dovoljan broj registrovanih igrača, kako bi mogli imati dovoljno zamjena u slučaju pojave zaraženog igrača;
- U slučaju pojave zaraženog igrača u ekipi, ti igrači idu u samoizolaciju u skladu sa epidemiološkim preporukama, ali se utakmice ne odgađaju;
- Ukoliko dođe do donošenja odluke o trajnom prekidu takmičenja (vanredno stanje, stanje nesreće, zabrana organizovanja sportskih takmičenja od strane nadležnih organa, i sl.), primjenit će se sljedeći principi:

- Takmičenje pokušati odigrati do kraja kada se za to steknu uslovi, poštujući rokove za završetak određene od strane Saveza,
- U slučaju mogućeg nastavka takmičenja, kalendar mora biti realan i raspored odigravanja utakmica ne smije ugroziti zdravlje igrača,
- Ukoliko nije moguće nastaviti takmičenja, odnosno donese se odluka o trajnom prekidu takmičenja, primjenjuju se principi u skladu sa pravilnicima, propozicijama i odlukama FS KS i NS/FS BiH.
- U slučaju pogoršanja epidemiološke situacije, Izvršni odbor će donositi odgovarajuće odluke u skladu sa preporukama nadležnih organa.

### **Disciplinska odgovornost**

U slučaju da klubovi ne ispoštuju mjere navedene u ovom dokumentu, isti podliježu disciplinskoj odgovornosti, u skladu sa odredbama Disciplinskog pravilnika NS/FS BiH.

### **Kontrola sprovođenja mjera**

Za kontrolu sprovođenja mjera propisanih u ovom dokumentu zadužen je delegat utakmice, koji pored osnovnih obaveza, ima i dužnost da po dobivenoj informaciji o delegiranju na utakmicu stupi u kontakt sa medicinskim službenicima oba kluba, te ih upozna sa odredbama ovog protokola, da u slučaju bilo kakvih problema telefonski kontaktira Komesara za takmičenje i obavijesti ga o tome, da zajednički preventivno radi na otklanjanju eventualnih problema u sprovedbi, te ispunjenosti uslova iz ovog dokumenta.

### **TAKMIČARSKA KOMISIJA FSKS**

Samir Čupina, sr.  
Bulend Bišćević, sr.  
Adnan Gušo, sr.

DODATAK 1

OBRAZAC IZJAVE O ODGOVORNOSTI UČESNIKA U TAKMIČENJU FUDBALSKIH LIGA KANTONA SARAJEVO I ZAVRŠNICE KUP TAKMIČENJA KANTONA SARAJEVO ZA TAKMIČARSKU SEZONU 2020/2021

IZJAVA SE OBAEVZNO POTPISUJE PRIJE POČETKA TRENAŽNOG PROCESA, TE PRIJE SVAKE UTAKMICE; 2 KOPIJE POTPISANIH IZJAVA KLUBOVI OBAVEZNO DOSTAVLJAJU DELEGATU FUDBALSKOG SAVEZA KANTONA SARAEVO (FS KS).

U cilju smanjenja rizika od zaraze koronavirusom (COVID-19), te u cilju zaštite ostalih učesnika u organizaciji događaja, članovi klubova fudbalskih liga Kantona Sarajevo (igrači, treneri, ostali zaposlenici i predstavnici klubova, angažovani vozači autobusa, medicinsko osoblje), pod punom materijalnom, krivičnom i disciplinskom odgovornošću potvrđuju sljedeće:

1. Da u posljednjih 14 dana od dana potpisa dokumenta nisu boravili van BiH.
2. Da nemaju nikakvih simptoma koji ukazuju na gripu (kašalj, poteškoće u disanju i drugi respiratorni problemi, malaksalost, povišena tjelesna temperatura, i dr.).
3. Da učešće u trenažnom procesu i na utakmicama uzimaju na vlastitu odgovornost, te da oslobađaju klubove i FS KS bilo kakve odgovornosti.

DATUM \_\_\_\_\_

IME I PREZIME \_\_\_\_\_

MJESTO PREVIVALIŠTA \_\_\_\_\_

KLUB \_\_\_\_\_

ULOGA/FUNKCIJA \_\_\_\_\_

POTPIS \_\_\_\_\_